

**Siunnersuut uunga: Aalisarnej pillugu Inatsisartut inatsisaata allanngortinneqarnera pillugu Inatsisartut inatsisissaat**

(Akiliutit akilerneqartarnerat pillugit aalajangersakkat allanngortinneqarnissaat kiisalu akiliutit akilinngitsoorneqarneranni imaluunniit akiliutit kingusinaartumik akilerneqarneranni erniatut akiliutaasartut pillugit aalajangersakkap atortuulersinneqarnera)

**Saqqummiussinermut allakkiaq**

(Aalisarnermut, Piniarnermut Nunalerinermullu Naalakkersuisoq)

**Siullermeerneqarnera**

Aalisarnej pillugu Inatsisartut inatsisaata allanngortinneqarnera pillugu siunnersuut matumuuna Naalakkersuisut sinnerlugit saqqummiutissavara.

Aalisarsinnaanermut akuersissutinik aamma akuersissutiginninnernik tunniussinermi akiliummik akiliuteqartarnej pillugu aalajangersakkat avataasiarluni aalisarnermi aamma sinerissamut qanittumi raajarniarnermi pisassiissutinut akitsuut Aalisarnej pillugu Inatsisartut inatsisaata allanngortinneqarnera pillugu Inatsisartut inatsisaatigut nr. 17, 3. december 2009-imeersukkut eqqunneqarpoq. Tassani Naalakkersuisunit iliuutsitit allaffissornikkut aningaasartuutit annikillisissinnaajumallugit atuisut akiliuteqartalernissaat suliniutitit eqqunneqarpoq.

Inatsimmi akiliutit pillugit aalajangersakkanik atortuulersitsiniarnej siunnersuummi siunertarineqarpoq. Taamatut atortitsisarnej nutaajungilaq tamakkumi Aningaasanut Inatsimmi siusinnerusukkut aalajangersarneqartareerput, taamatullu aalajangersakkanik nuutitsineq Kalaallit Nunaanni inatsiseqarnermut naapertuuppoq.

Naalakkersuisuttaaq siunnersuutigivaat akiliutinik kingusinaartumik akiliinikkut akiliinngitsoornikkulluunniit erniaqartitsisoqartassasoq. Tamatumunngalu peqqutaapput sinerissami qanittumi aalisartarnermi akuersissutinik tunniussisarnermi akiliutinik akiliinngitsoortarnerit, taamaalisoqartilugulu pisortani allaffitsigut suliaqarnerulernerit akileeqqusissutinik nassiussisarnermi, ilaatigullu sulianik akiliisitsisarfinnut tunniussinermi. Naalakkersuisut kissaatigaat akiligassanik akiliinngitsuukkani erniaqartitsineq, akiitsunullu piffissaq eqqorlugu akilersuutinik akiliisarnerup pingaaruteqarnerata ersarissarnissaa, taamaaliornikkullu pisortanut akiligassanik annikillisitsisinnaaneq.

Taakku saniatigut siunnersuutip kingunerissavaa akilisitsinerit aalisarnermi inatsimmiit aallaavillit aningaasartai Nunatta Karsianut nakkartalernissaat. Taakku siornatigut Naalagaaffiup Karsianut nakkartaraluarput.

Taamatut oqaaseqarlunga allannguutissatut siunnersuut Inatsisartut kajumittumik oqaluuserinninnissaannut ingerlateqqippara.